


h 43.

№

გეგმა

8



ფრანგ მეზღვაურთა გაფიცების ხელმძღვანელთა ერთი ჯგუფი.

Бром

1 9

სამბაზი

რემედასის

საქ. ცენტრალურ და ტფ. კომიტეტების
უკვეთვიური ორგანო

2 8

ტფილისი

თ ვ ი ლ ა ნ - თ ვ ე ე ლ ე

ა ლ ბ ა ნ ე თ ი

ზაუნიზმი იზაგა ალბანეთში.

ეიმდინარე წლის ივლისის 20 ტირანეში ჩამოაბრჩეს თედორე ვულკანოვი, თედორე გეორგივი, იბრაჰიმ არაპი, რომლებსაც ბრალი ედებოდათ ახმედ ზოგუს წინააღმდეგ მოქმედების გამო. ახლო წარსულში დურაციოში კონუნისტური პროპაგანდისათვის დაპატიმრეს ქემალ ბუღაზი, გაზიმ ნეკიუ და ხუსეინ მუსკატაუსენი არიან ინტელიგენტები—ვეჭილები და ეჭიმები. ყოველდღიურად, სისტემატურად სწარმოებს დაპატიმრებები. ამრიგად ახმედ ზოგუ აწარმოებს საარჩევნო კომპანიას თავის სასარგებლოდ.



(ა.ხ. სტანისლავ ლანცუკი. იხ. გვერ. 7.)

გენგრია

ზაგი ოკბუბი.

მას შემდეგ, რაც სამარცხვინოთ დაიშალა ეგრეთ წოდებული ჯგუფი „გამოფიზიზება“ მთავრობამ ხელმეორედ ჩამოაყალიბა მე-2 ანალოგიური ჯგუფი „შავ-ორბების“ სახელწოდებით. ამ „ნაციონალურ“ და „ანტიმარქსისტურ ლიგაში“ თავმოყრილია მეტის მეტად საეჭვო ელემენტები, უმუშევრები, რომლებიც გამოჩნდნენ არიან. თავიანთი ორგანიზაციებიდან და რომლებიც ცნობილი არიან როგორც სისხლის სამართლის დამნაშავენი. ლიგის წევრები კვირაში ღებულობენ 20 პენას ჯამაგირის სახით. ისინი ატარებენ ნაციონალურ, მადიარულ ქუდეებს და ფორმას და მთელი მათი მუშაობა გაწეობა პოლიციელებთან ერთად შემჩნეულ მუშების დევნაში.

პალესტინა

კამედანში მუშაობისათვის დაპატიმრება.


იერუსალიმიდან იტყობინებიან ახალ დაპატიმრებების შესახებ. რემედანში მუშაობისათვის დაპატიმრეს 3 მუშა ქალი. მუშა ქალს სარა ბროიდოს რემედანში მონაწილეობისა და მის სასარგებლოდ შემოწირულობათა შეგროვებასათვის მიუსაჯეს 2 თვე საპატიმრო და გადასახლება ქვეყნის საზღვრებიდან. ამავე საბაბით გაასამართლეს ფულმა, მუშა ქალი სარა ზიდლერი.

პოლონეთი

ლოპის სახამართლოს განაჩენი.

ლოპის სასამართლოს მიერ, საპირველმისოდ დღესასწაულთან დაკავშირებით გამოტანილია მთელი რიგი განაჩენები, გამოტანილია განაჩენი ამავე დროს სხვა გამოსვლების გამო, რომელიც მუშებმა მოაწყვეს მიმდინარე წლის გაზაფხულში.

საპირველმისოდ დემონსტრაციაში მონაწილეობისათვის ორ მუშას მიესაჯა საკატორლო მუშაობა 2—2 წელი თითოეულს. კობაზე მონაწილეობის მიღებისათვის, სადაც მოხსენებას აკეთებდა სეიმის კომუნისტი—დეპუტატი ბიტნერი, მუშა შკუდლარს მიესაჯა 4 წელი კატორლა. მუშა გიცს კომუნისტური ლიტერატურის გავრცელებისათვის მიესჯა 2 წელი კატორლა.



ომის საწინააღმდეგო პლაკატები ბერლინის ქუჩებში.

ბულგარეთი

პოლიტ-პატიმრების მოკვლა.

ბულგარეთის ობრანკა იტყობინება პოლიტ-პატიმრის პანდოტიგოვის „თვითმკვლელობის“ შესახებ. ამავე დროს ისინი იტყობინებიან მლადენ სტოიანოვის „უგზო-უკვლოდ დაკარგვის“ შესახებ. ორივე ისინი დაპატიმრეს ახლო წარსულში მუშათა პარტიის მოლაწეების მასიური დაპატიმრების დროს, ამავე დროს დაპატიმრებულნი არიან მთელი რიგი სხვა, რევოლიუციონურ პროფკავშირების ხელმძღვანელები.

რუმინეთის ყველა საპყრობილეში უდიდეს ტანჯვა-დამცირებას განიცდიან პოლიტ-პატიმრები.



ბულგარელი კომუნისტები აშ. აშ. კოვეი, ზაგორსკი და ფრიდმანი ჩამოაბრჩობის წინ.



363(∞)(05)
443.

წელიწადი მეოთხე

№ 8

ს მ ძ მ მ ბ ე რ ი

∞ 1928 ∞

რემაქცია

რემაქციის საქართველოს ცენტრალურ და ტფილის-
ის კომიტეტების ყოველთვიური ორგანო

პატალუცარქოთ ყველა ქვეყანასა, შერთდით!

რედაქციის მისამართი:

ტფილისი, ლენინის ქ.,
№ 29, II-რე სართ.

∞ ტელ. 9-78 ∞

რ ე მ ე დ ა ს ი ს კ ვ ი რ ე უ ლ ი

ბურჟუაზიულ ქვეყნებში პროლეტარიატის რევოლუციონური ბრძოლა აძლიერებს ფაშიზმსა და თეთრ ტერორს. ყველა იმ დიდსა, თუ პატარა ქვეყნებში, სადაც მუშათა კლასი და რევოლუციონური გლეხკაცობა ხელი-ხელ ჩაკიდებულნი ებრძვიან თავიანთ მჩაგვრელებს, რათა საბოლოოდ თავი დააღწიონ ჩაგვრა-მონობას — ბურჟუაზიამ აღმართა სახრჩობელები; ეს უკანასკნელი განუკითხავად ანადგურებს არა მარტო იარაღით ხელში გამოსულ რევოლუციონერების საუკეთესო რიგებს, არამედ ბავშვებსა და ქალებსაც კი.

თუ რამდენად მწვავე და მოუთმენელია თეთრი ტერორისა და ფაშიზმის მოქმედება, ეს სჩანს: იტალიაში ჩატარებულ მასიურ დაპატიმრებებისაგან; ამავე დროს მზადდება სამხრეთ-სლავიის, ვენგრის, რუმინეთისა და ბულგარეთის მშრომელთა გასამართლების პროცესი. პოლონეთის ბურჟუაზია დღითი-დღე უფრო მეტ „სიფხიზლეს“ იჩენს თავის „ბურჟუაზიულ სამოთხის მშვიდობიანობის“ დასაცავად და ციხე-ჯურღმულებს ავსებს რევოლუციონერებით.

ყველაფერი ეს, უწინარეს ყოვლისა, ს. ს. რ. კ. მშრომელთა წინაშე აყენებს საკითხს — ბურჟუაზიული ქვეყნების პოლიტ-პატიმართა და მათი ოჯახის წევრებისადმი დახმარების აღმოჩენის მოგვარების შესახებ.

ეს დიდად საპასუხისმგებლო ამოცანა შესრულებული იქნება, მხოლოდ იმ პირობებში, თუ ჩვენი სოციალისტური სამშობლოს ყველა მშრომელი მონაწილეობას მიიღებს რემედასის მუშაობაში, რომელიც მოწოდებულია მომავალ საერთაშორისო დიად ოქტომბერს შეუნარჩუნოს საერთაშორისო მუშათა კლასისათვის თავდადებულთა სიცოცხლე. რემედასი პირნათლად ემსახურება ამ მოვალეობას დღიდან თავისი დაარსებისა მშრომელთა მასების უშუალო მონაწილეობით. ეს იცის მთელმა მუშურმა მსოფლიომ და აი, სწორედ ამიტომაც არის, რომ მის ყოველდღიურ საქმიანობას დიდის სიყვარულით თვალყურს ადევნებენ ბურჟუაზიის საპყრობილეებში მოქცეული პატიმრები და თავისუფლებაში მებრძოლი რევოლუციონერები.

აი რას ამბობს მიმდინარე წელს საპყრ. გოლნოვიდან განთავისუფლებული პოლიტ-პატიმარი ა მ ხ. ვ ი ნ ე ნ ბ ე რ გ ი.

„პატიმრობის დროს დიდად მანუგეშებდა ის ფაქტი, რომ არსებობდა ორგანიზაცია, რომელიც მონაწილეობას იღებდა ჩემს ოჯახში. მე დიდად ვწუხვარ იმის გამო, რომ ჯერ კიდევ ყველა პროლეტარებს ვერ შეუგნიათ, თუ რამდენად დიდი მნიშვნელობა აქვს რემედასის მსგავს ორგანიზაციის არსებობას მუშათა კლასის ბრწყინვალე გამარჯვებისათვის. ჩვენ დაპატიმრების დროს ფიცი მივეცით ჩვენს ამხანაგებს, რომ საპყრობილიდან განთავისუფლებისთანავე გავაკეთებთ ყველაფერ იმას, რაც ხელს შეუწყობს მათ დაუყონებლივ განთავისუფლებას ტყვეობიდან, მაგრამ თავის თავად ცხადია ამისათვის საჭიროა ყველა ჩვენთაგანი აქტიურად მუშაობდეს რემედასში. ჯერ-ჯერობით მე უღრმეს მადლობას გწირავთ იმ სიყვარულისა და მზრუნველობისათვის, რომელიც თქვენ გამოიჩინეთ ჩემს მიმართ, ახლო მომავალში მე შევეცდები საქმით დავამტკიცო, რომ მე არ დავკმაყოფილდები მართო ლიტონი სიტყვით ჩვენ აქტიურად ჩაგვბმებით რემედასის მუშაობაში, რათა საპყრობილის თკინის კედლებში მოქცეულ ამხანაგებს შეუმსუბუქოთ თავიანთი მძიმე პირობები“.


პოლიტ-პატიმრებისა და მათი ოჯახის წევრებისადმი დახმარების აღმოსაჩენად ყოველწლიურად რემედასის ორგანიზაციები ჩვენში ატარებენ ე. წ. რემედასის კვირეულს — საზამთრო კამპანიებს. ზოგიერთ ბურჟუაზიულ ქვეყნებში, მაგალითად გერმანიაში, სადაც ასე თუ ისე ლეგალურ პირობებში უხდება მოღვაწეობა რემედასის მოძმე ორგანიზაციებს, ტარდება „საშობაო კამპანია“. იქ ყოველწლიურად შობის წინა კვირის განმავლობაში ტარდება კამპანია, ვინაიდან საშობაოთ ნებადართულია პოლიტ-პატიმრებზე ყოველგვარი დახმარების გადაცემა, როგორც ფულადი, ისე სურსათ-სანოვავისა და სხვ.

ჩვენში კი რემედასი ყოველდღიურად ატარებს ამ მუშაობას, ჩვენ ვაგროვებთ არა მარტო მათ დახმარებელ თანხებს, არამედ ვაწარმოებთ მასების ინტერნაციონალურად აღზრდის უდიდეს საქმეს. ამიტომ ჩვენმა ორგანიზაციებმა უნდა ილონონ, რათა პოლიტ-პატიმართათვის დახმარების შეგროვებასთან ერთად გააღრმავონ მშრომელ მასების ინტერნაციონალურად აღზრდის საქმე.

გამოვაცოცხლოთ აღმზრდელობითი მუშაობა

რემედისის ორგანიზაციების მუშაობაში უაღრესად დიდი მნიშვნელობა ენიჭება პოლიტიკურ-აღმზრდელობითი მუშაობის მკვიდრ ნიადაგზე დაყენებას.

დღემდის ეს მუშაობა ატარებდა კამპანიის ხასიათს, ხოლო სისტემატიური მუშაობა კი გამოიხატებოდა კაპიტალისტურ ქვეყნების საპრობილეებში მოქცეულ პოლიტ-პატიმართა სასარგებლოთ სხვადასხვა სახის დახმარებათა შეგროვებაში.



ომის საწინააღმდეგო დემონსტრაცია ლონდონში

პოლიტ-პატიმართა სასარგებლოთ დახმარების შეგროვებასთან ერთად რემედისის ორგანიზაციებმა ხელი უნდა მოკიდონ პოლიტიკურ-აღმზრდელობითი მუშაობის საკითხების მოგვარებას. რემედისის ძირითად ორგანიზაციებში აღმზრდელობითი მუშაობის გასაღრმავებლად და რემედისის სააგიტაციო მუშაობის მოსაგვარებლად საჭიროა საფუძვლიანად შეიცვალოს მუშაობა აგიტაცი-

სიების ჩამოყალიბებით და უჯრედებთან აგიტ-პროპ-ორგანიზატორების გამოყოფით, რათა ამრიგად შემთხვევითი მუშაობიდან გადავიდეთ უფრო თანდათანობით და სისტემატიურ მუშაობაზე.

კამპანიების ჩატარებასთან ერთად საჭიროა სისტემატიურად წარმოდგენილ იქნეს საერთაშორისო რევოლუციონური ბრძოლის ეპიზოდები და პროლეტარიატის საერთო კლასიური ერთსულოვნება, რემედისის უჯრედი მხოლოდ ამ გზით შესძლებს გახდეს მშრომელ მასების ინტერნაციონალურად აღმზრდელი.

რემედისის ორგანიზაციების მასიურ მუშაობაში ერთ-ერთ უმთავრეს ფორმად უნდა ჩაითვალოს აგიტკომისიისა და აგიტ-პროპ-ორგანიზატორების მუშაობის გეგმიანობა.

აგიტ-პროპ-მუშაობის გეგმაში კალენდარულ კამპანიების გარდა, როგორცაა, მაგ.: როზა ლიუქსემბურგის და კარლ ლიბკნეხტის მკვლელობა, თებერვლის რევოლუცია და რუსეთის პოლიტ-პატიმართა განთავისუფლება, მშრომელ ქალთა საერთაშორისო დღე, პარიზის კომუნის დღე, 26 კომუნარების დახვრეტა, ოქტომბრის რევოლუცია, რემედისის იუბილე და სხვა, რომლებიც უშუალოდ დაკავშირებულნი არიან რემედისის აგიტაციურ მუშაობის შინაარსთან, უნდა მიემატოს აგრეთვე საშეფო მუშაობის საკითხები, საზღვარ-გარეთელ საშეფო ციხეებთან მიწერ-მოწერის მოგვარება, რემედისის კუთხეების მუშაობა, მუშაობა პრესაში, რემედისის მუშაობა კლუბებში, საოჯახო საღამოების მოწყობა, მუშაობა ქოხ-სამკითხველოებსა და კედლის გაზეთებში და სხვა და სხვა.

რემედისის აგიტაციურ-პროპაგანდისტული მუშაობა მკვიდრობს უნდა დაუკავშირდეს საერთო მასიურ და კულტურულ-განმანათლებელ მუშაობას ფაბრიკებში, ქარხნებში, დაწესებულებებში, ქოხ-სამკითხველოებსა და კლუბებში, რისთვისაც გეგმა უნდა შეუთანხმდეს ერთიმეორეს, რათა მუშაობაში ადგილი არ ექნეს პარალელიზმს.

მუშაობის პროცესში განსაკუთრებული ყურადღება უნდა მიექცეს აქტივის წამოყენებას და მის ჩაბმას მუშაობაში. მათ უნდა დაევალოს ცალკე ღონისძიებათა გატარება. რადგანაც აგიტ-პროპ-ორგანიზატორები სხვა პარტიულ, პროფესიონალურ და საზოგადო დავალებებით იქნებიან დატვირთულნი, ამიტომ საჭიროა გადავიდეთ კოლექტიურ მუშაობაზე. ეს ღონისძიება მიზნად უნდა დაისახონ უჯრედებმა თავიანთი მასიურ კულტურულ-პოლიტიკურ და აღმზრდელობითი მუშაობის გასატარებლად წარმოებებში, დაწესებულებებში და ქოხ-სამკითხველოებში.

მიხ. ცაფიზინიძე,

„წითელი დახმარება“ გერმანიაში

„წითელი დახმარების“ ორგანიზაციის ჩამოყალიბებისთანავე გაბატონებულმა კლასმა სასამართლოს, პოლიციის და სოციალ-დემოკრატების დახმარებით შეეცადა ხელი შეეშალა მისი ნაყოფიერი მუშაობისათვის. ორგანიზაციამ ჩამოყალიბებისთანავე მიიმხრო სოციალ-დემოკრატიული პარტიის წევრი მუშებისა და „მემარცხენე“ სოციალ-დემოკრატიულ პარტიის ხელმძღვანელების მცირეოდენი ნაწილი.

ეს გარემოება მოსვენებას არ აძლევდა სოციალ-დემოკრატ-ლიბერალებს: — იმ ხალხს, რომლებმაც საკმაოდ თავი ისახელა თავისი ბნელი საქმეებით. ეს ვაჟბატონები გახლავთ — ბ-ნი: ნოსკე, ველსი, ზევერინგი და სხვ. მათ ხანგრძლივი მუშაობის შემდეგ გამოიტანეს დადგენილება, სადაც ნათქვამია, რომ სოციალ-დემოკრატიულ პარტიის წევრი შეუძლებელია შედიოდეს „წითელ დახმარების“ საზოგადოებაში.

გერმანიის რეფორმიზმის ბელადები ლამობდნენ პროლეტარულ მასების, „წითელი დახმარების“ ორგანიზაციისადმი სიმპატიის გაქარწყლებას, თავიანთი საკუთარი ორგანიზაციის, ე. წ. მატეოტის ფონდის დაარსებით, მაგრამ სოციალ-დემოკრატებს ბედმა აქაც ვერ გაუღიმა. ადვილი გასაგებია ეს დამარცხება. ჩამოყალიბების პირველ წლებში არ შეეძლო სრული დახმარება გაეწია თეთრი ტერორის უდიდესი მსხვერპლისათვის. ხშირად უცხოეთის მოძმე ორგანიზაციებისაგან მიღებული დახმარებითაც შეუძლებელი იყო პოლიტ-პატიმართა უდიდესი მოთხოვნილების დაკმაყოფილება. მაგრამ წელთა განმავლობაში ყველაფერი ეს შეიცვალა; ეხლა კი, ბურჟუაზიული თეთრი ტერორის ყოველ წევრს შეუძლია იმედი იქონიოს „წითელ დახმარების“ საზოგადოებისაგან, როგორც მატერიალურ, ისე მორალურ დახმარების მიღებაზე.

ეს იცის გერმანეთის პროლეტარიატმა, ამიტომაც არის, რომ „წითელ დახმარების“ საზოგადოების წინააღმდეგ სოციალ-დემოკრატების მიერ წარმოებული დემაგოგია, რომ ყოველთვის მარცხით თავდება ხოლმე. ესეც რომ არ იყოს ბურჟუაზიას ეხლა არც ისე იოლად შეუძლია აკრძალოს ისეთი ორგანიზაციები, რომლებიც სარგებლობენ მუშათა ფართე მასების ნდობითა და სიმპატიით.

ბურჟუაზია იძულებული გახდა გულხელდაკრეფილი განზე გამდგარიყო, გზა დაეცალა პროლეტარულ მასებისათვის ნება მიეცათ ეწარმოებიათ შემოწირულებათა აკრება პოლიტ-პატიმართა და მათი ოჯახების დასახმარებლად. ამ დახმარების მორალური მნიშვნელობა მტკიცდება პოლიტ-პატიმრების მიერ ათასობით გადმოგზავნილი წერილებით.

„წითელი დახმარების“ საზოგადოების მიერ მოწყობილია ბავშთა დახმარება საბავშო სახლებში, საცა თავშესაფარს ჰპოულობდნენ არა მარტო ადგილობრივი პოლიტ-პატიმართა, არამედ უცხოეთის რევოლუციონე-

რების ბავშვები, მეტის-მეტად ხელს უწყობდა ამ ორგანიზაციის გავლენის ზრდას მშრომელ მასებში.

დღეს კი, „წითელი დახმარების“ ორგანიზაცია უდიდესი მუშური ორგანიზაციაა, რომელიც თავის რიგებში ითვლის 20.000 ინდივიდუალურსა და 400.000 მეტ კოლ. წევრებს. 10.000 აქტივისტი ხელს უწყობს ამ ორგანიზაციას, რათა მან სისტემატიური დახმარება აღმოუჩინოს პოლიტ-პატიმრებს და მშრომელ მასებში ფართე აგიტაცია - პროპაგანდა გაუკეთონ ორგანიზაციის იდეებს.

ამრიგად თუ კი „წითელი დახმარების“ ორგანიზაციამ ჩამოყალიბების პირველ დღეებშივე შესძლო თავის დანიშნულებისათვის ჯეროვანი პასუხი გაეცა; დღეს მით უფრო ის გაცილებით უფრო მოღონიერებულია და აქტიური დახმარების გაწევა შეუძლია უცხოელ ამხანაგებისათვის. „წითელი დახმარება“ ერთ-ერთი ძლიერი რგოლია გერმანიის მუშათა კლასის რევოლუციონური მოძრაობისა, რევოლუციონური მუშებიც მომავალში შეეცდებიან მის უფრო გაძლიერებას.

ფ. გეკერტი.



პოლიტა მოითხოვს წიგნებიან კაცის დეონსტრაციიდან განდევნას (ბერლინი)

„26“-ს დახვერეთი 10 წლისთავი

ათი წლის წინათ შორეულ უდაბნოში მუშათა კლასის მოსახლე ჯალათებმა ვერაგულად დახოცეს ბაქოს პროლეტარიატის წინამძღოლი, რჩეული გმირები, პროლეტარული რევოლუციის ბელადები: ალიოშა ჯაფარიძე, სტეფანე შაუმიანი, აზიზბეკოვი, ვან. ფილეთოვი და 22 სხვ. ეს მოხდა მაშინ, როცა ა/კ. ბატონობდნ დასავლეთის იმპერიალისტები და მათი მოკავშირენი: ესერები, მენშევიკები, დაშნაკები, მუსავატელები, რომლებმაც გაჰყიდეს მუშათა კლასის საარსებო ინტერესები.

ეს იყო მაშინ, როცა რუსეთის ყოფილი დიდი იმპერიის ტერიტორიაზე დაიდევნ რევოლუციონური ტალღები და პროლეტარიატი დღითი-დღე აღწევდა ახალ-ახალ გამარჯვებებს და ამკვიდრებდა ოქტომბრის დღეების ბრწყინვალე მონაპოვარს. ბაქოს პროლეტარიატმა თავისი ბელადების ხელმძღვანელობით შეჰქმნა კომუნა და ხმა-მალა გამოაცხადა თავისი სიყვარული და ერთგულება ოქტომბრის დიდი რევოლუციისადმი. მან მთელს პროლეტარულ მსოფლიოს აცნობა, რომ ის მზად არის თავი შესწიროს ოქტომბრის რევოლუციის მონაპოვარის განმტკიცებას ამიერ-კავკასიაში. ამრიგად პროლეტარულმა ბაქომ აღმართა წითელი დროშა და მზად დადგა რევოლუციის სადარაჯოზე.

რას აკეთებდნ ამ დროს მენშევიკები, მუსავატელები და დაშნაკელები? მათ თავიანთი მოკავშირე ჰპოვეს ამიერ-კავკასიის ეროვნებათა წვრილ-ბურჟუაზიულ ფენებში. ისინი შეეცადნენ ეს უკანასკნელნი მჭიდროდ დაერაზმათ თავიანთ დროშის ქვეშ და მთლიანი ძალ-ღონით სამკედრო-სასიცოცხლო ბრძოლა გაეჩაღებიათ, რათა ამრიგად შეეჩერებიათ პროლეტარული რევოლუციის განვითარება ამიერ-კავკასიაში.

მუშათა კლასის მოსახლე მტრებმა ამით შექმნეს ერთგვარი წინააღმდეგობა „წითელი იმპერიალიზმის“ წინააღმდეგ. ამ დროს ამიერ-კავკასიის ერები განიცდიდნ საშინელ ეკონომიურ სიღვიწროვეს, ერთის მხრივ ინგლის-საფრანგეთის იმპერიალისტური ჯარების თარეში, და მეორეს მხრივ განადგურებულ-გაპარტახებული მეურნეობა, რომელიც შედეგათ მოჰყვა მსოფლიო ომს სულს უხუთავდა ამიერ-კავკასიის მშრომელთ.

ცხადია, რომ ასეთ ზირობებში შეუძლებელი იყო ბაქოს კომუნის არსებობა ვინაიდან ის თავის მოღვაწეობის გაფართოებას აპირებდა ქალაქ ბაქოს გარეშეც, მაგრამ ბაქოს პროლეტარიატი დროებით დამარცხდა ამ ბრძოლაში და ინგლისის იმპერიალისტების მიერ დახვერტილ იქნა ბაქოს „26 კომუნარი“.

ამ საზიზღარ მკვლელობაში აქტიურ მონაწილეობას იღებდნ: მენშევიკები, დაშნაკელები და მუსავატელები ამიერ-კავკასიის „დემოკრატიულ“ წყობილების გახანგრძლივებისა და „ბოლშევიკების ბარბაროსობისაგან“ თავის დაღწევის მიზნით.

მიუხედავად ამ საზიზღარი აქტისა ამიერ-კავკასიის პროლეტარიატი გმირულად იბრძოდა სოციალისტური



ცხინანში იაპონელების ინტერვენციის შემდეგ. იაპონელ ჯარისკაცები ტყვიამფრქვევებით მუშათა უბანში სახლის ახურავზე.

რევოლუციის მოსახდენად. რევოლუციონურმა მუშათა კლასმა მტკიცედ განაგრძო თავისი წინამძღოლების გზა და ის დღითი-დღე ამზადებდა მუშათა კლასს ახალ გადამქრელი ბრძოლების დასაწყებად.

ამიერ-კავკასიის პროლეტარიატმა მოიპოვა პოლიტიკური ძალა-უფლება, ქვეყნის მართვა-გამგეობას ჩამოაშორა მუშათა კლასის მოღალატე ცრუ-სოციალისტები და დაამყარა საბჭოთა წყობილება. ამრიგად ძველ რუსეთის ტერიტორიაზე დამყარდა საბჭოების ძალა-უფლება. ათი წელია, რაც რუსეთის მუშათა კლასი აწარმოებს დაუღალავ შემოქმედებით ბრძოლას ოქტომბრის რევოლუციის მონაპოვართა შესანარჩუნებლად.

პროლეტარიატის სიძლიერე, მისი სახელმწიფოებრივი უნარი ეხლა ყველა ურწმუნო თომებისათვისაც აშკარა გახდა. საბჭოთა კავშირის არსებობისა და შემოქმედებითი მუშაობის ათი წელი ახარებს და იმედებით ავსებს დასავლეთისა და აღმოსავლეთის დაჩაგრულ ერების გულს. საერთაშორისო ბურჟუაზიამ და მისმა დამქაშებმა იციან, რომ ოქტომბრის რევოლუციის გავლენა თანისთან ძლიერდება სხვადასხვა ქვეყნის მუშათა მასებში, ამიტომაც არის, რომ ის ასე გამძაფრებით ებრძვის ამ გავლენის გაძლიერებას. ბურჟუაზიას ამ საზიზღარ საქმეში აქტიურად ეხმარება თეთრი ტერორი, კლასიური იუსტიცია და სოციალ-დემოკრატია.

საერთაშორისო რევოლუციონური პროლეტარიატი დღითი-დღე მტკიცე რიგებად ირავმება კომუნისტურ ინტერნაციონალის დროშის ქვეშ. ის რწმუნდება, რომ ბურჟუაზიასთან გადამწყვეტი ბრძოლის წარმოების გარეშე არ არის ხსნა, მაგრამ ბურჟუაზია მისი დამქაშების დახმარებით ანადგურებს მუშათა კლასის რევოლუციონურ მოძრაობას, აპატიმრებს ამ მოძრაობის საუკეთესო ხელმძღვანელებს და ასამართლებს მათ, როგორც „სახელმწიფოს მოღალატე“ ელემენტებს.

მუშათა კლასმა უდიდესი მსხვერპლი გაიღო განსაკუთრებით უკანასკნელ 10 წლის განმავლობაში, ის ყოველდღიურად ახალ-ახალ მსხვერპლს სწირავს თავისუფლების მოპოვებას. ამ მსხვერპლთა დახმარების საქმეს აწესრიგებს რემედისის ორგანიზაცია; თუ ინგლისის იმპერიალისტების ჯალათებმა შავი რეაქციის დროს სიცოცხლეს გამოასალმეს 26 რჩეული გმირი სამაგიეროდ ჩვენ აქ მოვიპოვეთ სრული გამარჯვება და ჩვენს ყოველდღიურ საქმიანობასთან ერთად ვეხმარებით მთელი ქვეყნის რევოლუციონურ პროლეტარიატს თავის მხაგრელებთან ბრძოლაში.

რემედისის ორგანიზაცია ხელს უწყობს, როგორც კაპიტალის პატიმართა მდგომარეობის გაუმჯობესებას, ისე რევოლუციონურ მასებში ინტერნაციონალურად აღზრ-

დას, ამიტომ დღეს ბაქოს პროლეტარიატის რჩეული გმირების დახვრეტის 10 წლის თავზე ჩვენ უნდა შევსძახოთ საერთაშორისო პროლეტარიატს: ახლოა ეამი კაპიტალის დაღუპვისა, მოვა დრო, როცა პროლეტარულ რევოლუციის ახალი გმირები ანგარიშს მოსთხოვენ სისხლიან ჯალათებს მათ მიერ უდანაშაულოდ დაღვრილ სისხლის ასანაზღაურებლად.

დღეს, „26“ კომისარის დახვრეტის 10 წლისთავზე ჩვენ გავრცეებულის ენერგიით უნდა შევუდგეთ ტყვე რევოლუციონერების დახმარებას, რათა ღირსეული პასუხი გავსცეთ ყველა იმ ნაძირალებს, რომლებიც ლამობენ ს. ს. რ. კ. ძლიერების შესუსტებას.

ა. გევორქიანი.

მისი ამხანაგის ნამბობი

სტანკო იყო ისეთი ადამიანი, რომელიც არ შეიძლება ჰქმნარიტ რევოლუციონერს არ ჰყვარებოდაო, — გვიამბო ჩვენ ამხანაგმა-მეზღვაურმა.

— აი, — განაგრძობდა ის და გაზეთზე მიგვითითებდა, — ეხლა უკვე ყველასათვის აშკარა იყო ვის უწოდებდნენ სტანკოს.

ჩვენ გავიცანით ის 1925 წელს, მე მაშინ მემანქანეთ ვმუშაობდი ერთ-ერთ სავაჭრო გემზე.

შემოდგომის დღე იდგა. ჩვენ მივცურავდით მდინარე დუნაიზე. 5 სათის შემდეგ ჩვენი გემი უნდა შეჩერებულიყო ერთ-ერთ პატარა ქალაქის ნავთსადგურზე, სადაც ალბათ დავიცდიდით რამოდენიმე საათით.

მე მთელი ძალ-ღონით ნიჩბით ვყრიდი ქვა-ნახშირს, რომელიც უმაღლეს ენთებოდა და ირგვლივ აჰნედა ცეცხლის მოლაპლაპე ძნებს. ვიხრჩობოდი სიმხურვალისა და შავად დამდგარ ბულში.

უმაღლ მომიახლოვდა ერთ-ერთი ამხანაგთაგანი და ჩურჩულით მითხრა:

— დღეს საღამოთი ქალაქში კრება იქნება... გესმის სტანკო... გამოსვლები...

საღამოვდებოდა. ჩვენ მივალწიეთ ნავთსადგურს. თანახმად კონსპირაციისა შევიკრიბენით დანიშნულ ადგილას.

პატარა ოთახი. ოცდაათზე მეტნი ვართ. სივიწროვება. თუთუნის კვამლით სავსეა ოთახის მოცულობა. თუთუნისა და ოფლის სუნი მძიმედ აწვება გულ-მკერდს. აქ პირველად ვნახე მე ამხ. სტანკო. ის მომცრო ტანისაა, ამშვენებს მრგვალი პირისახე, ღონიერი კუნთებით. ბოლოს მე გავიგე, რომ მას ძლიერ ჰყვარებია სპორტი და გამუდმებით მეცადინებოდა ხოლმე.

ამ საღამოს სტანკო ლაპარაკობდა ჩვენს მომავალ უახლოეს ამოცანების შესახებ. ლაპარაკობდა ის მარტივად, გასაგებად, შთამაგონებლად, მოკლეთ, სხარტად და დამაჯერებლად. ის მარჯვენა ხელს გამუდმებით იქნევდა, თითქოს რაღაცას დაეძებდა მაღლით და იატაკზე ჰყრიდა. ის ხშირად წკურავდა თვალებს, შემდეგ ისინი

უცნაური ცეცხლით ენთებოდნენ. მე იმ წუთში ძალიან ვწუხდი, რომ არ ვიცოდი თუ ვინ იყო სტანკო — ეს ნათელი და ქეშმარიტი რევოლუციონერი პიროვნება. სამწუხაროდ ამხანაგებმაც, რომლებსაც მე შევეკებე იმის შესახებ, ვერა მიპასუხეს რა, იქნება არც იცოდნენ რამე, ან ვინ იცის, იქნებ არ სურდათ ჩვენი არალეგალურობის პრინციპების დარღვევა.

მხოლოდ რამდენიმე ხნის შემდეგ მე გავიგე იმის შესახებ რაღაც ძალიან ცოტა, გავიგე, რომ ის სწავლობდა ოდესღაც საბჭოთა კავშირში წითელ აკადემიაში, ის ეხლახან დაბრუნდა სამხრეთ-სლავიაში და დაიწყო ენერგიული მუშაობა არალეგალურ პირობებში. ის ეროვნებით სლავიანელია. გავიდა რამოდენიმე ხანი და ჩვენ ყველანი დაგვაპატიმრეს ბელგრადში.

სტანკო დააპატიმრეს მის დროებით ბინაში, ნატალია კარიცას ქუჩაზე, სადაც იპოვეს ძალიან ბევრი სააგიტაციო მასალები.

ჩვენ ყველანი წავგაყენეს ქალაქის მმართველობის წინაშე, შემდეგ კი გადაგვაგზავნეს საპრობილე „გლავნიაჩა“-ში.

პირველად ჩვენ დაგვანაწილეს ცალ-ცალკე საკნებში. ჩვენდამი მოპყრობა იყო ყოველად საშინელი, მოუთმენელი, არაადამიანური...

კარგათ მახსოვს, ალბათ სამუდამოთ დამამახსოვრდება ის, რომ მე შემიყვანეს ერთ ნახევრად ბნელ ოთახში. დაიწყო დაკითხვა. პირველად დაკითხვას აწარმოებდა პოლიტიკური პოლიციის შეფი აჩიმოვიჩი, შემდეგ შემოვიდა ოთხი ჯამუში და, როგორც იტყვიან, მე დამითრიეს... რამოდენიმე დარტყმის შემდეგ მე გონება დავკარგე. არ მახსოვს თუ რამდენ ხანს გაგრძელდა ეს საშინელი ტანჯვა...

ცხადია სამხრეთ-სლავიის საპრობილეებში არსებული საშინელი რეჟიმის შესახებ დაწვრილებითი ცნობების გადმოცემა აუცილებლობას არ მოითხოვს, ვინაიდან ალბათ ყველა თქვენთაგანს კარგათ ახსოვს იქიდან მიღებული შთაბეჭდილება.

მეზღვაური გაჩუმდა. ის გაქცევებული თვალთ მია-
შტერდა დანარჩენებს. თითქოს ამით უნდოდა გამოე-
ჩვენა ამხანაგების მიერ მიღებული შთაბეჭდილება, რის
შემდეგ მეზღვაურმა განაგრძო დაწყებული საუბარი.

— გავიდა რამდენიმე დღე, მე უკვე შემძღო თავი-
სუფლად აღვომა, მაგრამ ისევ მოულოდნელად გამომი-
ძახეს დაკითხვაზე აჩიმოვიჩთან. მის ოთახში იჯდა სტან-
კო. მას მარჯვენა ლოყა დასიებული და დაღურჯებული
ჰქონდა, ხელები შეკრული ჰქონდა ფოლადის ჯაჭვე-



საპრობილიდან განთავისუფლებული პოლიტპატიმრები მარე-
ბით მიყავთ სითულ ფრონტელებს.

ბით, რომელიც ყოველ მის მოძრაობის დროს მომაკვდი-
ნებლად ჟღარუნებდნენ ხოლმე. ჩვენი თვალები უმაღვე
შეხედნენ ერთი-მეორეს და მე შევაჩნიე, რომ მის ჩაღრმა-
ვებულ, სევდით სავსე თვალთა უბებში ჩამქრალიყო
ცეცხლის უკანასკნელი ნაპერწკალი.

— შენ იცნობ ამ კაცს? — შემეკითხა მე აჩიმოვიჩი.

— არ ვიცნობ! — ვუპასუხე დამშვიდებით.

— შენ? — მიუბრუნდა სტანკო.

— არც მე, არ ვიცნობ, — უპასუხა სტანკომ გა-
დაჭრით.

— ეხლავე ვნახოთ, თუ როგორ გაჩუმდება ბოლშე-
ვიკი-გმირი, — დაატანა აჩიმოვიჩმა და ღვარძლიანათ ჩა-
იცილა.

მე გამიყვანეს მეზობელ ოთახში. ხუთი წუთის შემ-
დეგ მე მომესმა გულშემზარავი ღრიალი... ნაცნობი ხმა
აღმოჩნდა... მოისმოდა ყრუ ქვითინი და დარტყმა. ჯა-
ლათები სცემდნენ სტანკოს. მე-კი, საშინელი ტკივილე-
ბით მიცემდა გული. სასწრაფოდ ზეზე წამოვიჭერი და,
რადგანაც ხელები შეკრული მქონდა, ფეხებით ვაბრახუ-
ნებდი კარებს. ეს იყო ერთად-ერთი და მოსახერხებელი
პროტესტი.

მაგრამ მყის გაიღო კარები და მე გვერდით იატაკზე
დავეცი. ვეგდე უგრძნობლად და ჩემამდე აღწევდნენ გულ-
შემზარავი ნაცნობი ხმები.

ნახევარ საათის შემდეგ მე ხელით გამათრიეს ტალან-
ში, სადაც შევაჩნიე, რომ ორ პოლიციელს მიჰყავდა ცე-
მისაგან გონება-დაკარგული სტანკო, რომელიც სასო-
წარკვეთით გმინავდა. ის იყო სრულიად უგრძნობლად.
იატაკზე მას აქეთ-იქით აკავებდა ორი პოლიციელი, ფეხ-
საცმელის წვერით მიათრევდნენ იატაკზე, რომლებიც გზა-

და-გზა სტოვებდა დაკვეთილ სისხლის ზოლს. ვინ იცის,
თუ რამდენი ასეთი სისხლის ზოლია გავლებული ბალკა-
ნეთის საპრობილების საკნებსა და დერეფნებში.

ვეება, ღიპიანი ობობა — კაპიტალი ქსოვს თავის ბა-
დეს და ასეთ სისხლიან ძაფებს.

დაკითხვებისა და წამების შემდეგ მე გამიყვანეს აჩი-
მოვიჩის ოთახიდან მეორე ოთახში, სადაც დამხვდა
ერთი ამხანაგთაგანი, რომელიც ასევე შემოვგდოთ ამ
ოთახში წამების შემდეგ. გავიდა რამდენიმე დღე. ჩვენ
გადაგვიყვანეს წყლით სავსე საკანში. ეს იყო საშინელი,
ცივი ქაობი, სადაც შეუძლებელი იყო სუნთქვა და მუხ-
ლების მოკეცვა.

— ბევრი თქვენთაგანი იცნობს ამ პირობებს, — და-
ატანა მეზღვაურმა. — მეორე დღეს მე მარტოკა დავრჩი.
სხვა დანარჩენები სადღაც გააქროლეს. შუა ღამე გადა-
სულიყო. უეცრივ მოისმა საკნის გასაღების ჟღარუნი.
კარი გაიღო. რამდენიმე აგენტმა თან შემოიშინეს რა-
ღაც მძიმე და უძრავი. პირველად მე მომეჩვენა, თითქოს
ეს გვამი ყოფილიყო. როცა მივუახლოვდი მას, დავ-
რწმუნდი, რომ ეს გვამი კი არა, სტანკო იყო. ის
უგრძნობლად ეგდო. მას მოტეხილი ჰქონდა მკლავი და
ნეკნები. რამდენიმე ხნის შემდეგ, როცა ის გონს მო-
ვიდა, შეეცადა ჩემთვის გადმოეცა მომხდარი ამბის შე-
სახებ. ის ნაწყვეტ-ნაწყვეტად ისროდა სიტყვებს, ისე
ქანც-მილეული ეგდო, რომ ზოგიერთი სიტყვები კარგად
არ ისმოდა. მე მაინც ყველაფერი გავიგე. გავიგე ისიც,
რომ ჩვენ დავკარგეთ ამხ. სტანკო; დავრწმუნდი იმაში,
რომ ჩვენ სამუდამოდ დავკარგეთ ერთ-ერთი საუკეთესო
ჭერჭვეშელი.

ხანგრძლივი წვლების შემდეგ მიაშობო მან, რომ მას
სთხოვდნენ დაესახელებია ყველა მისი ამხანაგები, რომ-
ლებიც მუშაობენ არალეგალურ პირობებში.

— ისინი ბრიყვები არიან, სისხლით გაღეშილი ჯა-
ლათები, — ამბობდა სტანკო აკანკალებული ხმით, — ვერ
გაუგიათ, რომ არც ერთი ბოლშევიკი, არც ერთი ჭეშმა-
რიტი რევოლუციონერი არასოდეს არ გასცემს თავის
ამხანაგს რა გინდ წამების საზიზღარი მეთოდებით არ და-
საჯონ იგი. მათ მიერ შემოღებული ტანჯვა-წამება
უძლურია საამისოდ. მათ ასეთი მეთოდებით არ ძალუძთ
ჭეშმარიტების აღდგენა არალეგალურად მომუშავე ამხა-
ნაგების შესახებ.

მე ვიცი, რომ მუშათა კლასის მოსისხლე ჯალათები
ცოცხლად არ დამტოვებენ, მე ვკვდები, დარწმუნებული
იმაში, რომ შევასრულე ყველაფერი ის, რის გაკეთებაც



კი შეეძლო ქეშმარიტ რევოლუციონერს ჩემს პირობებში. მაგრამ სიკვდილის წინ ვწუხვარ თქვენზე — ახალგაზრდობაზე, რევოლუციის ავანგარდზე, რომელთა დაღუპვა დიდ უბედურებას მოასწავებს ჩვენი პარტიისა და მუშათა კლასისათვის.

მან შესწყვიტა საუბარი, გული საშინლად უცემდა, მძიმეთ სუნთქავდა. მე ისევ ვსდუმდი, მინდოდა რაღაც მეტყვა, მაგრამ ერთი სიტყვაც არ ამოვიღია.

მთელი ღამე ის ბურანში იყო. დილით სიცხემ უმატა, თვალები აუწითლდა და სიღრმეში ელავდენ, ვით ჩამქრალი ცეცხლის უკანასკნელი ნაპერწკალი. პირისაზე გაუფითრდა. დროგამოშვებით ტუჩებზე გაუელვებდა ხოლმე მწარე ღიმილი.

აღსასრულის ჟამი მოახლოვებულიყო.

სალამოთი მოვიდენ ისინი და წაიღეს... ერთხელ კიდევ გადმოხედა მე სტანკომ ნაღვლიანი თვალით და გულამოსკვნით დაატანა:

— მშვიდობით... მშვიდობით... ჩვენს მიერ დაწყებულ საქმეს პროლეტარები დააგვირგვინებენ. კომუნისტი სიკვდილს უშიშრად მიეგებება... სიკვდილი საშიშარი არ არის, პირიქით ბედნიერია ის, ვინც თავის თავს მუშათა კლასის განთავისუფლებას სამსხვერპლოდ შესწირავს.

ის წავიდა ორი პოლიციელის თანხლებით, მას ხელები უკანკალებდა, თავი ძირს ჩაეკიდა... კარები მოიხურეს და მე სრულიად მარტო დავრჩი ოთახში. ისევ გრძელდებოდა მისი წამება. ერთი კვირის შემდეგ დადიოდა ხმები, რომ სტანკო გადაიყვანეს სადღაც სამკურნალოდ, მას მარჯვენა მკლავი და ნეკნები ჩაუნგრისო.


გავიდა რამოდენიმე დღე და სტანკო ისევ დააბრუნეს საპრობილე „გლავნიაჩაში“.

პირველ მაისის დღეს სტანკოს ისევ დაუწყეს წამება: სცემდნენ, გლეჯდნენ თმას, ფრჩხილების ძირში უყრიდნენ ქინძისთავეებს.

მე კი თავი დავაღწიე, გამოვექეცი ჯალათებს, მაგრამ სტანკოს შესახებ ვერა გავიგე რა. მე ის არსად არ შემხვედრია, არც ციხეში, არც თავისუფლებაში, და აი დღეს მე ვნახე გაზეთში... მეზღვაურმა აიღო ის და დაიწყო კითხვა...

— „ვინ არის სტანკო“?

ბელგრადში კომუნისტების პროცესის დროს ძალიან ხშირათ გაიგონებდით სტანკოს სახელს, ის უწყალოდ



გერმანიის „წითელ დახმარების“ საზოგადოებამ უდიდესი კამპანია მოაწყო პოლიტ-პარტიართა დასახმარებლად. სურათზე ნაჩვენებია „წითელი დახმარების“ საზოგადოების აქტივისტების მიერ მოწყობილი აგიტ-ინსცენიროვკა პოლიტ-პარტიართა ცხოვრებიდან.

აწამეს საპრობილე „გლავნიაჩაში“. სადაც სისხლისაგან დაიცალა.

სტანკო იყო — ვლადო ვულჩი.

რუსეთის ბრწყინვალე მაგალითებმა გააქარწყლეს მასში ყველა ძველი შეხედულებები.

1923 წლის შემოდგომაზე ის ჩამოვიდა საბჭოთა კავშირში და შევიდა წითელ აკადემიაში, მას შემდეგ ის არავის უნახავს. ბელგრადში გრძელდებოდა დაპატიმრებები. უცხოეთის გაზეთები სწერდნენ, რომ პოლიციამ ბელგრადის საპრობილეში მოჰკლა ვიღაც პატიმარი სტანკო. მას მოსტეხეს ხელი, ფეხი, ნეკნები და მან მაინც არ გასცა თავისი ამხანაგებიო.

დაბოლოს გამოირკვა, რომ ამხანაგი სტანკო — ვლადო ვულჩი — ხანგრძლივი წამებისა და წვალების შემდეგ გადაისროლეს-დუნაის ტალღებში და ეხლა მისი სისხლის ზოლი რეცხავს სერბიის, რუმინეთის და ბულგარეთის მიწის ნაპირებს.

მეზღვაურმა გაზეთი მაგიდაზე დასდო. ადგა, გამოცდილი თვალები გადაავლო ამხანაგებს, ხელში მაგრად დაქმუქნა ძველი კეპკა და მტკიცე ხმით დაატანა:

— სტანკო უკვე აღარ არის, მაგრამ სცოცხლობს მომავალი რევოლუცია.

მ ი რ კ ო.

ტფილისი, 1928 წ. აგვისტო.

ამხ. ლანცუცკის მეორედ დაპატიმრება და განთავისუფლება

პოლონეთის სეიმის დეპუტატი ამხ. სტანისლავ ლანცუცკი გაანთავისუფლეს აგვისტოს 17, და 21 ისევ დააპატიმრეს და მოათავსეს ვარშავაში, საპატიმრო პავიაკში. უკანასკნელად ის დააპატიმრეს ლოდის პროკურორის ბრძანებით ამ ოთხიოდე წლის უკან ქ. ლოდში წარმოთქმულ სიტყვის გამო.

ლანცუცკის დაპატიმრების ამბავმა დიდი მღელვარება გამოიწვია, როგორც თვით პავიაკის პატიმართა, ისე

ვარშავის მრავალრიცხოვან მუშათა წრეებში. აგვისტოს 24 ამხ. ლანცუცკი გადაიყვანეს მოკოტოვის საპრობილეში, სადაც მან უახლოეს წარსულში დაამთავრა მისჯილი 4 წელი. საპრობილე პავიაკში ამხ. ლანცუცკის დაპატიმრებასთან დაკავშირებით პატიმრებმა გამოაცხადეს სიმშვილე.

აგვისტოს 25 ლანცუცკი ისევ გაანთავისუფლეს.

საქიროა ანტიფაშისტური კონგრესის მოწვევა

საერთაშორისო ფაშიზმი დღითი-დღე აფართოვებს თავის სამოქმედო ტერიტორიას, იჭრება იმ ქვეყნებში, სადა მას დღემდის სრულიად არავითარი გავლენა არ ჰქონია.

ეს შემადრწუნებელი განვითარება ფაშიზმის შხამისა არის თანამედროვე კაპიტალისტურ წყობილების ლოლიკური შედეგი.

ფაშიზმი, რომელიც ღრმად იკიდებს კაპიტალისტურ წყობილების ნიადაგში თავის ფესვებს, სარგებლობს ბურჟუაზიული ხელისუფლების დიდი დახმარებით, თითქმის ყველა ქვეყნებში. სულ ერთია ოფიციალურია, თუ არა-ოფიციალური ეს ფაშიზმი, ამას მაინცა და მაინც დიდი მნიშვნელობა არა აქვს ბურჟუაზიული საზოგადოებისა და წყობილების მესვეურთათვის, ისინი აშკარად თუ ფა-

მი გახლავთ არსებული პოლიტიკის და ჯარების დამხმარე საშუალება, რომელიც ხელს უწყობს ბურჟუაზიას, რათა ამ უკანასკნელმა ადვილად შესძლოს არსებული წყობილების წონასწორობის შენარჩუნება და მისი განმტკიცება.

ამავე მიზნებს ისახავს და ემსახურება კაპიტალისტურ ქვეყნების სახელმწიფოებრივი აპარატი, რომლებიც წარმოადგენენ შეძლებულ კლასების მფარველ ძალას, რათა მათ შეუენარჩუნონ ერთხელ მოპოებული უპირატესობანი და დაიფარონ მშრომელ მასების ყოველგვარ შემოტევისაგან.

ფაშიზმი არის კონტრ-რევოლუციონურ ორგანიზაციების ლეგალური კომბინაციათა ფორმა, რომელიც წარმოიშვა მუშათა კლასის რევოლუციონურ მოძრაობის შემდეგ მიღებულ გამოცდილებების ნიადაგზე ისეთ ხანაში, როცა სახელმწიფოებრივ აპარატს არ შეეძლო წინასწარ აეკრძალა სოციალური მოძრაობები, განიჩევა ჩვეულებრივ რეაქციისაგან თავის მეთოდებით, თავის რეაქციონურ ინტენსივობით, მსხვერპლთა სიმრავლით და სხვა და სხვა. ის ცდილობს შექმნას და ჩამოაყალიბოს ე. წ. წინასწარი კონტრ-რევოლუცია, უკეთ რომ ვთქვათ, ამრიგად ცდილობს შეაჩეროს კარზე მომდგარი რევოლუციონური მოძრაობა.

საკმარისია თვალი გადავაგლოთ იმ ქვეყნებს, სადა ფაშიზმი გამომჟღავნდა ამა თუ იმ სახით, რათა დავრწმუნდეთ იმაში, რომ ფაშიზმი, რა ქურქშიაც არ უნდა იყოს ის გადაცმული, არ წარმოადგენს იტალიის ბურჟუაზიის სპეციფიურ მეთოდს, ან რომელიმე სხვა ქვეყნის ბურჟუაზიის აღმოჩენას, მაგრამ ასეა თუ ისე, მას მაინც დაპყრობილი აქვს მთელი რიგი ბურჟუაზიული ქვეყნები. მთავრობის ფაშიზმი იტალიაში, ესპანეთში (სადაც მძვინვარებს სამხედრო დიქტატურა) წარმოადგენს მხოლოდ ფაშიზმის ერთ-ერთ ფორმას, პორტუგალიაში, ფინლიანდიაში, ბალტიის მხარისა და ბალკანეთის ქვეყნებში. სამხრეთ-ამერიკის ქვეყნებში და ამავე დროს ნახევრად ლეგალური ფაშიზმის, რომელიც თითქმის გაქოყოფილია სახელმწიფოებრივი აპარატისაგან, როგორც მაგალითად ჩრდილოეთ-ამერიკის შეერთებულ შტატებში, გერმანიაში, საფრანგეთში, ინგლისში და აგრეთვე „დემოკრატიის კლასიკურ ქვეყნებში“, ე. ი. შვეიცარიაში და სკანდინავიის სხვა ქვეყნებში ფაშიზმი ისახავს ერთსა და იმავე მიზანს და ის წარმოადგენს კონტრ-რევოლუციის უძლიერეს სიმაგრეს.

საკითხავია, ვის ეხმარება და რას აკეთებს მოწინავე ინტელიგენცია მუშათა კლასის წინააღმდეგ მიმართულ ბრძოლის ასალაგმავად?

რას უნდა აკეთებდეს ყოველი პატიოსანი ადამიანი იმ მასიურ მკვლელობათა საწინააღმდეგოთ და ფაშისტური ბანდების თარეშის ასალაგმავათ, რომელსაც განზრახული აქვს გაანადგუროს საერთაშორისო მუშათა კლასის რევოლუციონური მოძრაობა?



დაპატიმრებული დემონსტრანტები ივრში (პარიზი)

რულად დიდ დახმარებას უწევენ მათ. ცოტათ თუ ბევრად, თითქმის ყველა ქვეყნის ბურჟუაზიული მთავრობები სარგებლობენ ფაშიზმის ბანდებით, ისინი იყენებენ მათ ცოცხალ ძალებს „მშვიდობიანობისა და წესრიგის დასამყარებლად“. მიუხედავად იმისა, რომ ისინი ყოველ გზა-ჯვარედინზე სიტყვით უარყოფენ ფაშიზმის დახმარებას, მაინც სარგებლობენ ამ უკანასკნელის ტლანქი ძალებით.

უნდა აღვნიშნოთ, რომ ფაშიზმი არსებითად არის ბურჟუაზიის ახალი შეიარაღების ფორმა, რომელიც უნდა ჩაითვალოს ოფიციალურ და ლეგალურ დამატებათ იმ შეიარაღებულ ძალებისა, რომლებიც ერთგულად ემსახურებიან ბურჟუაზიულ წყობილებას.

ფაშიზმი საშუალებას აძლევს მსხვილ ბურჟუაზიას წვრილ ბურჟუაზიულ ფენებზე დაყრდნობით დაიწყოს ძლიერი შეტევები მუშათა კლასის წინააღმდეგ. ფაშიზ-

საჭიროა ვიყვიროთ, გამოვაჩინოთ მოყვებული იარაღები, საჭიროა დავთვალოთ მსხვერპლთა სიმრავლე, შევაყენოთ სია იმ უდროოდ დაღუპულ გმირთა საფლავებისა, რომლებიც მოფენილია მთელი სამყარო.

დიახ, ექვს გარეშეა, ყოველივე ეს საჭიროა და აუცილებელიც, რაც უნდა შემადრწუნებელი არ იყოს ეს სინამდვილე, ის ტლანქი ძალა, რომელიც ამოქმედებულია საერთაშორისო მუშათა კლასის რევოლუციონერ მოძრაობის წინააღმდეგ, შესაძლო არის ბურჟუაზიული უდიდესი მანქანის მოძრაობის შეჩერება, რომელიც მთელი თავისი სიძლიერით მიშვევებულია, რათა ფიზიკურად გაანადგუროს მშრომელი კაცობრიობის ის უდიდესი ნაწილი, რომელიც იბრძვის კაცობრიობის კოლექტივიზაციის დასამყარებლად.

ორგანიზაციულად შემოტევას საჭიროა ვუპასუხოთ ორგანიზაციულადვე, საჭიროა ძალთა სიმრავლეს წაუყენოთ შეკავშირებული ძალა. საჭიროა ვიმოქმედოთ კოლექტიურად და გამოვიწვიოთ ფართე საპროტესტო მოძრაობანი, საჭიროა მსოფლიო მასშტაბით ხმა ავიმაღლოთ და ძლიერის ნებისყოფით შევებრძოლოთ საერთაშორისო ფაშიზმს.

ორი წლის უკან მე საფრანგეთის დამოუკიდებელი მწერლის რომენ როლანსა და მთელ მსოფლიოს სხვა საზო-

გადო მოღვაწეებთან ერთად დავაარსე ანტიფაშისტური საერთაშორისო კომიტეტი, რომელმაც მიიმხრო მთელი ქვეყნის ყველა მემარცხენე პარტიის მოღვაწეები, მოწინავე ინტელიგენციის ნაწილი, დემოკრატები და რევოლუციონერები. მთელი ამ ხნის განმავლობაში ეს კომიტეტი დაუღალავ ბრძოლას აწარმოებდა საერთაშორისო ფაშიზმის სისხლიანი მოღვაწეობის წინააღმდეგ. მაგრამ ეს ძალიან ცოტაა, საჭიროა ვიფიქროთ უფრო გრანდიოზულ გამოსვლების მოწყობაზე, ფაშიზმის წინააღმდეგ განწყობილ ძალთა კონცენტრაციაზე, საერთაშორისო ანტიფაშისტური კონგრესის მოწვევის საშუალებით.

ეს კონგრესი უნდა გახდეს ტრიბუნა, სადაც უნდა გამოვიდეს ყველა ქვეყნის წარმომადგენლები, რომლებმაც უნდა დაწვრილებით აცნობონ მთელს მსოფლიოს თავიანთი ქვეყნების ფაშისტური მოძრაობის მწვავე შედეგები. ეს ამავე დროს უნდა გახდეს საქმიანი მუშაობის ჩამტარებელი ორგანიზაცია, მანვე უნდა შეისწავლოს ყველა საშუალებები, რომლითაც მოსახერხებელი იქნება საერთაშორისო ფაშიზმისა და კაპიტალის პოლიტიკის წინააღმდეგ დიდი წინააღმდეგობის აღმართვა.

ჰანრი ბარბიუსი.

სტეფანე რადიჩი და ხორვატიის ეროვნულ-გლეხური მოძრაობა

მიმდინარე წლის ივნისის 4, ქ. ბელგრადში (სამხრეთ-სლავიის დედაქალაქი) პარლამენტის კრებაზე ერთ-ერთმა ფაშისტების ორგანიზაციის მეთაურმა სერბიელმა დეპუტატმა მოჰკლა ხორვატიის გლეხთა პარტიის ორი დეპუტატი და მძიმედ დასჭრა სამი, მათ შორის ამ პარტიის ბელადი სტეფანე რადიჩი, რომელიც უკვე გარდაიცვალა აგვისტოს 8 მძიმე ჭრილობისაგან.

ხორვატიის გლეხთა პარტიამ თავის გარშემო შემოიკრიბა თითქმის ხორვატიის მთელი მოსახლეობა. ამ პარტიისაგან, დაბეჩავებული მშრომელი მასები მოგლოდენ, რომ ის დაიწყებდა გამათავისუფლებელ მოძრაობას და მასში ჩააბამდა, როგორც თვით ხორვატიის, ისე სხვა სამხრეთ-სლავიის მონობის ქვეშ მყოფ მშრომელ მასებს, მუშებსა და გლეხებს. მათ ეგონათ, რომ ამ მოძრაობას სათავეში მოექცეოდა სტეფანე რადიჩი.


სტეფანე რადიჩი იყო წარმომადგენელი და იდეოლოგი ნაციონალური ბურჟუაზიისა. ის არ ამწვავებდა მდგომარეობას სერბიის ბურჟუაზიისთან, რომელიც სათავეში ედგა სახელმწიფო მმართველობას.

რადიჩმა მიიღო სამხრეთ-სლავიის კონსტიტუცია, რომელიც უზრუნველყოფდა სერბიის ბურჟუაზიის ჰეგემონიას.

კაპიტულიაციამ რადიჩი მიიყვანა ფაშიზმსა და ნაციონალურ შევიწროვების გაძლიერებამდე.

უკანასკნელ წლების განმავლობაში რადიჩი, დარწმუნდა რა იმაში, რომ მას თანდათან ეკარგება გავლენა უღარიბეს და გლეხთა ფენებში, ისევე ოპოზიციაში ჩა-

დგა. საშინელი სამეურნეო კრიზისის ზეგავლენით მთავრობამ ისევ გააწერა აუტანელი გადასახადები გლეხებზე, უდიდესი სესხი აიღო ინგლისიდან, რომელმაც სამხრეთ-სლავია გადააქცია ინგლისის კოლონიათ, პირობით შე-



ომის საწინააღმდეგო მიტინგი პარიზის ცირკში.


ეკრა იტალიას, რომელიც გამანადგურებლად მოქმედობს ხორვატელებსა და სლავიანელებზე. რადიჩი ლამობდა ასეთი მდგომარეობიდან სასარგებლო ატმოსფერა შეექმნა ხორვატიის ბურჟუაზიისათვის, მაგრამ სერბიის ფა-

შისტური წრეები არ ჰფიქრობენ რაიმე დათმობაზე წასვლას; რადიჩთან ერთად 4 სხვა დეპუტატი დაეცა პარლამენტში. ეს საზიზღარი მკვლელობა უშიშრად ჩაიდინეს მეფის მფარველობის ქვეშ მყოფმა ფაშისტურმა ბანდებმა.

მაშინ, როცა რადიჩის პარტიის ბურჟუაზიული ბელადები განაგრძობდნენ პარლამენტარულ ბრძოლას, მომხდარ საზიზღარ ამბის შემდეგაც-კი, მუშათა ფართე მასები პროტესტებით გამოვიდნენ ქუჩებში და პირისპირ შეეხებნენ პოლიციელებს. ივნისის 20 -- 21 და 22 სისხლიანი შეტაკებები სწარმოებდა ზაგრებას ქუჩებში. დემონსტრაციის მონაწილეებიდან მოკლულია 3, დაჭრილთა რაოდენობა 100 აღწევს.

ხორვატელ ჟანდარმების უმრავლესობამ უარი განაცხადა ბრძანების ასრულებაზე. 60 კაცმა სამუდამოთ უარი განაცხადა სამსახურზე. სადგურის პირდაპირ მდებარე ჯარის-კაცთა ყაზარმების ირგვლივ შემოვლებულ ღობეებიდან ჯარის-კაცები თოფებს აძლედნენ დემონსტრაციის მონაწილეებს, რომლებიც ჯგუფ-ჯგუფად მიიმართებოდნენ ყაზარმების გასწვრივ. უფროსთა შემადგენლობამ, შეამჩნია რა ჯარის-კაცთა შორის ასეთი რევოლუციონური განწყობილება, ბრძანება გასცა დაუყოვნებლივ ჩამოერთმიათ იარაღი ჯარის-კაცებისათვის.

რევოლუციონურ პროფკავშირების ხელმძღვანელობით გამოვიდა მჭიდროდ დარაზმული მუშათა კლასი, რომელიც გადაჭრით მოითხოვდა სახელმწიფოს დაცვის შე-



ს ტ ე ფ ა ნ ე რ ა დ ი ჩ ი ხორვატიის გლეხთა შორის

გამოჩნდა თუ არა პირველი დემონსტრაცია ზაგრებას მთავარ ქუჩაზე, პოლიციელებმა სროლა აუტეხეს დემონსტრაციის მონაწილეებს. გონება დაკარგული ხალხი აქეთ-იქით გარბოდა, ზოგი მოსახვევებში აფარებდა თავს, ზოგი ეზოებში და ზოგი კიდეც ვინ იცის სად. როცა ოდნავ სიწყნარე ჩამოვარდებოდა, დემონსტრანტები ისევ გამოუფდნენ თავს, რათა ხელახლა მოეწყოთ ქუჩებში მანიფესტაციები, და ისევ შეტაკებოდნენ პოლიციელებს.

მასებისათვის ეს ბრძოლა იყო გამანთავისუფლებელი ბრძოლის დასაწყისი. ჯარში დღითი-დღე ფეხს იკიდებდა საომარი განწყობილება. აღსანიშნავია ის გარემოებაც, რომ გამანთავისუფლებელ მოძრაობას ოდნავი თანაგრძნობით მოეპყრა პოლიციის ერთი ნაწილიც-კი.

სახებ არსებულ წესების მოხსნას, გლეხებზე მიწის გადაცემას, ფეოდალურ ნაშთების უარყოფას და მემამულეთა წყობილების ძირიან-ფესვიანათ აღმოფხვრას, ქვეყნის ყველა დამონავებულ-დაბეჩავებულთა სრულიად განთავისუფლებას. არალეგალურად მომუშავე კომპარტია ხალხს მოუწოდებდა გაერთიანებულ ძალოვნით გადამწყვეტათ ემოქმედა საბოლოო განთავისუფლების მოსაპოვებლად. ამ მოთხოვნილებებს ხელისუფლებამ უპასუხა 75 რევოლუციონერ პროფკავშირელთა დაპატიმრებით.

მშრომელი მოსახლეობა, როგორც თვით ხორვატელები, ისე სხვა დანარჩენები, დღითი-დღე რწმუნდებიან, რომ მათი განთავისუფლება მხოლოდ მათი საქმეა.

დრაგაჩევაცი.

ამხ. ბელა კუნი მოსკოვში

ვენის საპრობილეში ხანგრძლივი პატიმრობიდან განთავისუფლების შემდეგ, მიმდინარე წლის აგვისტოს პირველს ქ. მოსკოვში ჩამოვიდა ამხ. ბელა კუნი.

სადგურში მატარებლის მოსვლამდე დიდი ხნით ადრე თავი მოეყარა მოსკოვის პროლეტარიატს. აქვე იუვენ: პოლიტ-ემიგრანტები, რემედისის წარმომადგენლები და პიონერები, თავიანთი დროებით. ყველა ისინი მოსულიყვნენ ამხ. ბელა კუნის საპატივცემლოდ.

ბაქანზე ამხ. ბელა კუნის გამოჩენამ უდიდესი აღფრთოვანება გამოიწვია და ხალხი შეეგება მას „ვაშა“-ს ძახილით...

ამხ. ბელა კუნი შესამჩნევად აღელვებული იყო. ის მოემწყვდა მის გარშემო შეგუფულ ხალხის წრეში... ამხანაგების მისასალმებელ სიტყვის შემდეგ ამხ. ბელა კუნმა წარმოსთქვა მოკლე სიტყვა.

მან მსურვალე მადლობა შესწირა მოსკოვის პროლეტარიატს ძმური მიღებისათვის და მოუწოდა მათ, რათა ყოველთვის იზრუნონ ბურჟუაზიულ ქვეყნების ციხეებში მოქცეულ პატიმრების მძიმე პირობების შესამსუბუქებლად.

— ამხანაგებო. — ამბობს ის, — თქვენ დიდი შრომა დახარჯეთ ჩემ დასახსნელად. თქვენ აგამოქმედათ ჩემი ცხოვრების ერთ-ერთმა ეპიზოდმა, მაგრამ ჩემი თხოვნა იქნება თქვენდამი, იზრუნოთ არა ჩემზე, არამედ იმ ამხანაგებზე, რომლებსაც იტალიის სასამართლოს პროცესებზე მიესაჯათ საუკუნო კატორღა. იზრუნეთ იმათი მძიმე ხვედრის შესამსუბუქებლად, რომლებიც იტანჯებიან შორეულ კუნძულებზე გადასახლების მძიმე პირობებში. გახსოვდეთ ვენგრიელი, ავსტრიელი, ჩინელი და სხვ. ამხანაგები, რომლებიც თავგამოდებით იბრძვიან თავისუფლების მოსაპოვებლად რეაქციის მძიმე პირობებში.

თქვენ ვალდებული ხართ განთავისუფლოთ ისინი, ისე როგორც მე განთავისუფლეთ და მომანიჭეთ თავისუფლება. მე სხვა არაფერი არ შემძლია დაგპირდეთ, გარდა იმისა, რომ მუდამ მზად ვიქნები ვიბრძოლო ისე თავგანწირვით, როგორც ვიბრძოდი დღემ-



ამხ. ბელა კუნი

დის. მე მუდამ ერთგული დარაჯი ვიქნები საერთაშორისო პროლეტარიატის და ვეცდები ჩემს პარტიასთან ერთად ვიბრძოლო უკანასკნელ სისხლის წვეთამდე.

საკო და ვანცეტი

მიმდინარე წლის აგვისტოს 23, ერთი წელი შესრულდა საკოსა და ვანცეტის წამების შემდეგ. რევოლუციონერ მუშათა კლასის მოძრაობაში ამ ორი სრულიად უდანაშაულო მუშის წამება უნდა ჩაითვალოს ბურჟუაზიულ ჯალათების უსაზიზღრეს შურისძიების აქტად.

მეწაღე საკომ და თევზის დამტარებელმა ვანცეტიმ სამართლიანად მოიხვეჭა საერთაშორისო სახელი. მათმა პროცესმა გამოიწვია საერთაშორისო მუშათა კლასის ძლიერი პროტესტი. სამხრეთ ბრეინტში მეარტელების მკვლელობაში მონაწილეობის მიღებისათვის მათ ბრალს სდებდა მასაჩუსეტის სასამართლო.

საქმის მთელი მდგომარეობა ნათლად ადასტურებდა იმას, რომ საკოსა და ვანცეტს არავითარი მონაწილეობა არ მიუღიათ. კიდევ მეტი, ვიღაც ცელესტინო მაიდეროსი გამოტყდა იმაში, რომ ის მონაწილეობას იღებდა ზემო აღნიშნულ მკვლელობაში და მოიყვანა აუარებელი მაგალითები იმის შესახებ, რომ საკო და ვანცეტი სრულიად უდანაშაულონი არიან. მაგრამ ბურჟუაზიულ სასამართლოსათვის საჭირო იყო ორივე რევოლუციონერი მოესპო, რომლებსაც საკმაოდ ძლიერი პოპულიარობა ჰქონდათ მოპოებული მასაჩუსეტის მუშებში.

მთელი 7 წლის განმავლობაში მზადდებოდა ეს საზიზღარი მკვლელობა. მძიმე ტანჯვითა და ვაებით სავსე 7 წელი გაატარეს საკო და ვანცეტიმ დედებში ციხეში სიკვდილის მოლოდინში. მთელი ამ ხნის განმავლობაში მშრომელი კაცობრიობის საუკეთესო ნაწილი იბრძოდა ამ ორი გმირის სიცოცხლის შესანარჩუნებლად. ერთად რომ თავი მოუყაროთ ყველა ამ საპროტესტო აქტებს და რევოლუციებს, რომელიც საერთაშორისო მუშათა კლასმა გამოიტანა ამ შვიდი წლის განმავლობაში საკოსა და ვანცეტის პროცესის გამო ის შეავსებს მრავალ ტომებს.

განსაკუთრებით საყურადღებოა ის უჩვეულო საერთაშორისო პროტესტი, რომელიც მოაწყო მუშათა კლასმა ამ ორი გმირის წამების უკანასკნელ დღეებში. თამამად შეიძლება ითქვას, რომ არ დარჩენილა ისეთი ქვეყანა, სადაც მუშებსა და გლეხებს არ მოეწყო ძლიერი პროტესტი ამ საზიზღარი მკვლელობის წინააღმდეგ. დედამიწის ყველა კუთხეებში მუშათა კლასი მოითხოვდა სასიკვდილოთ განწირულ ამხანაგების დაუყოვნებლივ განთავისუფლებას... მაგრამ გუბერნატორმა ფულერმა დაასრულა ამერიკის სასამართლოს ჯალათების მიერ დაწყებული საზიზღარი საქმე: საკო და ვანცეტის პატივების შესახებ წარდგენილი პეტიცია, უარყოფილ იქნა. ამრიგად აგვისტოს 23, ეს ორი გმირი სრულიად დარწმუნებული თავიანთი მიზნების ჭეშმარიტებაში, რევოლუციონერი მოვალეობის შეგნებით დამშვიდებულნი მივიდნენ ელექტრონის სავარძელთან და სა-მუდამოთ განუთქვეს სული.

რღვევის მოლოდინში

შეხედეთ, გრიგალი გრიგალზე ასკდება,
მთა ამბობს სიმღერას, გულებათ ამდგარი.
ჭაერი ცხელია, ხანძარიც გაჩნდება,
მე მჯერა, რომ ცეცხლი ჩამქრალი არ არი.
ქვეყანა, ყორნების საკორტნად ავღია,
ღმუიან ზრამები, ელვებით დაქრილი.
უშიშრად წამოდგეს, ვისაც კი სწადია —
იხილოს მზის შუქი, მიწაზე დაღვრილი.

პოლიო აბრამია

ბ რ ძ ო ლ ის ს უ რ ა თ ე ბ ი

(1905 წ. ამაგებიდან).

მზე ჩავიდა და სანაპირო ქალაქში სანათურები აანთეს.

ფართე ქუჩებში გამართულსა და გაჩირაღდებულ სავაჭროებს მალედიან შემობურვოდა გაზაფხულის მუქი ღამე.

თბილოდა, არ ჰქროდა ქარი და მოქალაქენი გამოსულიყვნენ სასეოროთ.

საგაზაფხულოდ ჩაცმული მამაკაცები და დედაკაცები, ხნიერნი და ახალგაზრდანი ნელის ტატიტ მიდიოდნენ ფართე ფილაქანზე და ეწეოდნენ ნხურვალე საუბარს.

ისმოდა ოხუნჯობა და ნელი სიცილი.

ქუჩაში გრიალით მიჰქროდნენ ეტლები, სადაც უდარლად ისხდნენ ბრჭვიალა ეპოლეტიანი მამაკაცები და სამოქალაქო სამსახურის მოხელენი თავის მანდილოსნებით.

ხანდაზმით კი, როდესაც ეტლები მიწყნარდებოდნენ, სანაპირო ქალაქის ქუჩებში ისმოდა ზღვის მინაზებულის ქშენა, რასაც თან ერთოდა შორეული მუსიკის ბგერები.

მღაბიო მოქალაქენი ყურს უგდებდნენ მუსიკის ხმებს და ყველამ იცოდა, რომ ამ საღამოს ნავთსადგურში, დიდ გემზე გამართულია ბრწყინვალე ნადიმი და ნადიმზე მიწვეულია ბრწყინვალე საზოგადოება.

ამიტომ ეტლები ერთმანეთს მისდევდნენ ნავთსადგურისაკენ.

ვნახოთ, ქუჩაში მდგომი ჩაფარი წელში გასწორდა და მკერდი მონდომებით ამოხნიქა; ის ძველივით გამართული შესდგა შუა ქუჩაში და თვალს არ აშორებდა თეთრ ცხენებიან ეტლს, რომელიც შესახვევიდან მალეად გამოკრთა და ქუჩაში გამოემართა.

მოსეირნენი შესდგნენ და ცნობის მოყვარეობით დაუწყეს ჰვრეტა ეტლს.

ეტლი მოახლოვდა.

შიგ იჯდა პოლიციის უფროსი; ჩაფარმა მას სამხედრო საღამო მისცა, მაგრამ მრისხანე უფროსს ყურადღება არ მიუქცევია ჩაფარისათვის და ეტლი სწრაფად გაშორდა იქაურობას.

ყველამ თვალი გააყოლა ეტლს.

ყველა თავისას ფიქრობდა ამ დროს და რადგან პოლიციის უფროსი იყო ბოროტი და მრისხანე კაცი, ამიტომ მოსეირნენი თავის გონებაში, როგორც შეეძლოთ ლანძვედნენ და კიდევ ემუქრებოდნენ მას.

მაგრამ ეტლი მიჰქროდა და ქვეით მოკირწყლულ ქუჩაში, თეთრ ცხენების ნალების რეკა თანისთან, მაგრამ ისევ წყნარად მოისმოდა.

შეცრად ეტლი შორს შესდგა და ხელათვე გაისმა რევორვერის ხმა—ერთი, ორი, სამი! რევორვერის ხმაზე ხალხმა ხმა გაკმინდა, მაგრამ შეცრადვე, თითქო გონს მოკიდაო, ამოძრავდა.

ჩაფართმა დაუსტენა და გაიქცა. სხვებიც გაიქცნენ.

მთელი ქუჩა ხალხით გაივსო და ხალხი მირბოდა იქით, სად ამას წინათ რევორვერი ისროლეს და სადაც ეხლა იდგა ეტლი.

*

მალე ჩაფრებმაც დაუსტენეს ასტეხეს განგაში და ისევ გაისმა სროლა.

მკვლელს დაგდევნენ. სროლა გახშირდა.

სროლაზე ხალხი დაფრთხა და დაიხია უკან, შემდეგ ხალხი გაიქცა და მახლობელ ეზოებში მიმოიფანტა.

დაცარიელდა ქუჩები. ვაჭრებმა დუქნები სასწრაფოდ დაჰკეტეს. ეტლები არ მოძრაობდა და მთელი ქალაქი შეიპყრო მოულოდნელმა შიშმა.

იცოდნენ მხოლოდ: პოლიციის უფროსი მოჰლეს, ხოლო ვინ მოჰკლა, ეს არავინ იცოდა.



„ბურჟუაზიულ სამოთხეში“

მალე გათენდა დილა მაისის. ცას გაველო აღის ფერადები და ღრუბლებში მზემ თვალი გაახილა.

მალე მუშათა უბნებში გამოჩნდნენ მუშები. ისინი ბევრი იყვნენ და ჯგუთ-ჯგუთად მიემართებოდნენ ქალაქ გარედ. გავიდნენ მინდორზე და მოგროვდნენ იქ, სადაც სამი დღის უკან დახვრიტეს პოლიციის უფროსის მკვლელი.

დახვრეტილის საფლავი ყვავილებით მოერთოთ და ზედ წითელი დროშა აეფრიალებიათ.

ურიცხვი იყვნენ მუშები.

ისინი მტკიცე სახით იდგნენ და უსმენდნენ ორატორებს; უსმენდნენ და მათი გადაწყვეტილება იყო შურისძიება, ბრძოლა და გამარჯვება.

უეცრად უკანა რიგებში ჩოჩქოლი ატყდა.

უეცრად უკანა რიგები აირია. მდგომარე მუშების გასწვრივ გამოჩნდა ყაზახთა რაზმი.

რაზმი ცხენებს მიაქროლებდა, ჰაერში მათრახს იქნევდა და ბევრ მათგანს თოფიც გადმოელო.

მუშებმაც იშიშვლეს იარაღი.

მუშები მინდორზე დალაგდნენ და ატყდა სროლა.

ამ დროს სანაპირო ქალაქს სული გაეკმიდა და შეშინებული ისმენდა ბრძოლის ხმებს.

დალამდა.

ბრძოლა შესწყდა და დამარცხებულმა ყაზახებმა დასტოვეს ბრძოლის მოედანი. მაშინ მუშებმაც დასტოვეს.

მუშებიც გაეცალნენ იქაურობას, მაგრამ მხოლოდ იმიტომ, რომ ძალ-ღონე მოეკრიფათ და უკანასკნელად შებოძდნენ თავისუფლების მტრებს.

სტეფანე კასრაძე

სიმშვილობა 40 დღის განმავლობაში

გლავზენბურგში რამდენიმე კვირის უკან 13 პოლიტ-პატიმარმა გამოაცხადა სიმშვილობა, რომელიც დღემდე გრძელდება. პატიმრები თხოულობდნენ ციხიდან განთავისუფლებას, ვინაიდან ისინი დამნაშავედ არ სცნობდნენ თავს.

რუმინეთის უნიტარულ პროფკავშირების ორგანოს „ვიაცა მუნჩიტოარე“-ს მთავარი რედაქტორი ამხ. სტეფან ფორში უკვე 40 დღეა, რაც სიმშვილობს. მისი ჯანმრთელობა მეტად ცუდ პირობებშია. უკანასკნელ კვირის განმავლობაში ის სრულიად უგრძნობლად წევს ციხის საკანში.

მაშინ, როცა ჩვენ ამ სტრიქონებს ვწერთ, შეიძლება ის ცოცხალი არც კი იყოს.. ჩვენ დარწმუნებული ვართ მისი წერილი მშრომელ მასებისათვის ინტერეს მოკლებული არ იქნება, ამიტომ ვაქვეყნებთ მისი წერილის ნაწყვეტს. აი, რას იწერება ის სიმშვილობის მე-27 დღეს:

„მიმდინარე წლის აპრილის 25-ს მე დამკითხა მეფის კომისარმა მანცუშ. ამასთანავე გამოიჩინა, რომ ყველა ის ბრალდებები, რომლებიც სიგურიანცამ შეხანხლა

ჩემს წინააღმდეგ, სრულიად უსაფუძვლონი აღმოჩნდნენ. მიუხედავად ამისა, მე მაინც არ გამანთავისუფლეს. სამხედრო ტრიბუნალმა მოიმიზეზა, თითქმის ჩემი საქმის ირგვლივ კიდევ უნდა დაეკითხათ ორი მუშა. ეს მუშები უკვე შეპყრობილი იყვნენ სიგურიანცას მიერ და, მიუხედავად მრავალჯერ წარმოებულ დაკითხვისა, მაინც ხელმოსაკიდი საბუთის შეთხზვა ვერ მოახერხეს ჩემს საწინააღმდეგოდ.

დღეს მე უკვე მე-27 დღეა, რაც ვმშვილობ. ჩემი დაპატიმრება და ამდენი ხნის შეუწყვეტელი ტანჯვა-წამება, ისე როგორც ეს საერთოდ ხდება ხოლმე, წარმოადგენს ქვეყნის კონსტიტუციისა და კანონის აშკარა დარღვევას. მე სიმშვილობაზე უარს არ განვაცხადებ სრულ განთავისუფლებამდე, ან სიკვდილამდე. მე ღრმად დარწმუნებული ვარ, რომ ჩვენს შეუდრეკელ ბრძოლას მხარს დაუჭერს მთელი ქვეყნის მუშათა კლასი და ყოველი პატიოსანი შრომის მოყვარე ადამიანი“.

ასე სწერდა ამხ. ფორში სიმშვილობის გამოცხადების მე-27 დღეს.

დაკითხვის მეთოდები

„რამდენიმე კვირის უკან ვარშავის დეფენზივას უფროსმა, კომისარმა, სუხამენეკმა ისევ შემოიღო პოლიტიკურ პატიმართა დაკითხვის დროს ცემა-წამებაო, — იწერებთან პოლონეთიდან. — ახლო წარსულში გამოქვეყნებულ ცნობებს ჩვენ კიდევ უნდა დაუმატოთ ახალი ცნობები საშინელი მხეცური მოპყრობის გამო, რასაც ადგილი ჰქონდა ვარშავის საპყრობილეში ერთ-ერთ მუშის დაკითხვის დროს.

საქმე შემდეგშია: ახლო წარსულში დეფენზივაში მოიყვანეს 19 წლის ახალგაზრდა მუშა, ვილაც, ტადია და შეუდგნენ მის წამებას საჭირო ცნობების გამოკითხვის მიზნით. ცემის დროს მან მორთო გულშემზარავი ღრიალი, რომელსაც გამოეხმაურნენ მეზობელ საკნებში მოქცეული

პოლიტ-პატიმრები, უკანასკნელებმა პროტესტის ნიშნად კარს დაუწყეს ნგრევა. „დაკითხვა“ შეაჩერეს, მაგრამ აგენტები შეუდგნენ ჯალათურ მოვალეობის ასრულებას. მათ მოისურვეს შური ეძიათ და ამ მიზნით, ვითომ დასაკითხავად პატიმარს იხმობდნენ საკნიდან, ტადია არ დაემორჩილა ჯალათების ბრძანებას და დაკითხვაზე უარი განაცხადა.

მეორე დღით ის ისევ გამოიძახეს, პატიმარმა ისევ უარი განაცხადა მაგრამ ის ძალით შეათრიეს სარდაფში, საიდანაც არავითარი ხმა არ გამოვიდოდა და ისე უწყალოდ სცემეს იგი, რომ ციხეში დაბრუნების შემდეგ მას სხეულზე აღმოაჩნდა აუთ იეხელი იარაღი და უგრძნობლად ნარზიე დაეშვა.

მისაბადი რაიკომი

(ქუთაისის რკინის გზის რემედის რაიკომის მუშაობა).

რემედის ორგანიზაციების ჩამოყალიბებას საქართველოში აღფრთოვანებით შეეგება ქუთაისის რკინის გზის მუშა-მოსამსახურეთა დიდი უმრავლესობა.

ადგილობრივად რემედის ორგანიზაციის ჩამოყალიბებიდან ამხანაგები აქტიურ მონაწილეობას იღებენ, როგორც პოლიტ-პატიმართა უზრუნველსაყოფად დახმარების შეკრებაში, ისე მშრომელთა ფართე მასების ინტერნაციონალურად აღზრდაში.

რემედის ქუთაისის რკინის გზის რაიკომის სამაგალითო მუშაობა იქიდანაც სჩანს, რომ ადგილობრივად ჩატარებულ კონკურსის დროს, როგორც საუკეთესოდ მომუშავე რაიკომს პირველი ადგილი დაეთმო რემედის რკინის გზის რაიკომს. ქუთაისის რკინის გზის რაიკომის თაოსნობით ჩამოყალიბდა რემედის ახალი უჯრედები შემდეგ ადგილებში:

სადგურ რიონში, გელათში, სვირში, აჯამეთსა და ხრესილში, რომლებშიც გარდა რკინის გზის მუშა-მოსამსახურეებისა ჩამოყალიბდა აგრეთვე ადგილობრივი გლეხკაცობა და მოსწავლე ახალგაზრდობა. ამავე დროს აღსანიშნავია, ის გარემოება, რომ ადგილობრივი ამხანაგების დაუღალავი მუშაობით საგრძნობლად გაიზარდა რემედის წევრთა შემადგენლობა. გაუმჯობესებულია აგრეთვე კაპიტალის პატიმართა დასახმარებლად სხვადასხვა სახის შემოწირულობათა შეგროვება.

ამ მიზნით გამართულ იქნა ფასიანი საღამო, მოეწყო ლატარია, სწარმოებს ნება-ყოფლობით შემოწირულობათა

აკრეფა და სხვადასხვა. რაიკომში ირიცხება სულ 1.013 წევრი; ერთი წლის განმავლობაში შეგროვილია 927 მან. და 90 კაპ.

კულტურული მუშაობა რემედის წევრთა შორის სათანადო დონეზე სდგას. ადგილობრივად ყველა კედლის გაზეთებში გამოყოფილია რემედის კუთხე, სადაც სისტემატურად შუქდება რემედის ადგილობრივი ორგანიზაციების, როგორც მოღვაწეობა, ისე მომავალი სამოქმედო გეგმა და სხვ.

უჯრედებთან ყველგან მოწყობილია რემედის კუთხე სათანადო ლიტერატურით. ჩამოყალიბებულია აგრეთვე რემედის წრე, რომელიც სისტემატურად აწარმოებს მეცადინეობას ორკვირაში ერთხელ. განსაკუთრებული ყურადღება ექცევა წევრთა ინტერნაციონალურად აღზრდას, ამ მიზნით ხშირად ეწყობა კრებები, და საუბრები სხვადასხვა საკითხების ირგვლივ.

აღსანიშნავია ისიც, რომ რემედის გამოცემათა გასავრცელებლად ჩატარებულ იქნა სპეციალური კამპანია, ამრიგად ჟურნალ „რ ე მ ე დ ა ს“-ზე რაიკომის მასშტაბით შეგროვილია ასი წლიური ხელისმომწერი.

ურიგო არ იქნება რემედის სხვა ორგანიზაცია-უჯრედებიც მიჰბადებდნენ რემედის ქუთაისის რკინის გზის რაიკომის მაგალითს და ხელს შეუწყობდნენ ჟურნალ „რ ე მ ე დ ა ს“-ს გავრცელებას.

ა. კ — ი.

როგორ ტარდება ადგილებზე რემედის მე-2-ე ყრილობის დადგენილებები

(წერილი ზუგდიდიდან).

რემედის საქ. მეორე ყრილობამ ჯამი გაუკეთა თავის მუშაობას პირველიდან მეორე ყრილობამდე, მან დაამუშავა ყველა ის საკითხები, რომელთა ცხოვრებაში გატარება აუცილებლად საჭირო იყო ჩვენი ორგანიზაციის მუშაობის წარმატებისათვის. ყრილობამ ამავე დროს მიზნად დაისახა მუშაობის ახალი მეთოდების შემოღება.

მეორე ყრილობამდე ჩვენს ორგანიზაციებს ზუგდიდის მაზრაში მრავალი ნაკლი ჰქონდა. ამის გამოსასწორებლად ყრილობის დამთავრების შემდეგ ზუგდიდის სამაზრო კომიტეტმა დაამუშავა მუშაობის ახალი გეგმა და გადაუგზავნა ადგილებს. აღსანიშნავია ის გარემოება, რომ ამის შემდეგ მუშაობას დაეტყო ოდნავი გამოცოცხლება.

თუ კი რემედის მეორე ყრილობამდე არ სწარმოებდა გეგმიანი მუშაობა, დღეს ეს ნაკლი გამოსწორებულია და მთელს მაზრაში შეძლებისადაგვარად ტარდება მოხსენება-საუბრები რემედის ორგანიზაციების მუშა-

ობისა და საერთოდ რემედის საერთაშორისო მნიშვნელობის შესახებ. ამავე დროს მაზრის მასშტაბით ტარდება რემედის ერთიანი დღე.

უნდა აღვნიშნოთ, რომ საშეფო მუშაობის დარგში ორგანიზაციებს ეტყობათ გამოცოცხლება წინანდელთან შედარებით. მიმდინარე წლის ივნისის განმავლობაში სამაზრო კომიტეტმა მაზრის მასშტაბით მოაწყო რემედის სამი კუთხე, სადაც მუშაობა დამაკმაყოფილებლად მიმდინარეობს; კუთხეებისათვის შეძენილია სხვადასხვა პლაკატები და ლოზუნგები.

უნდა აღვნიშნოთ, რომ უკანასკნელ ხანებში საგრძნობლად გამოცოცხლდა პარტიის ხელმძღვანელობა. ხშირია შემთხვევა, როცა რემედის ორგანიზაციის სხდომებს ესწრებიან პარტიული ამხანაგები და აძლევენ საქმიან და პრაქტიკულ მითითებებს. რაც შეეხება კომკავშირის მონაწილეობას, სამწუხაროდ უნდა აღინიშნოს,

რომ ის ძლიერ მოიკოჭლებს. კომკავშირი ვერ აქცევს სათანადო ყურადღებას რემედაციის მუშაობას.

მიუხედავად იმისა, რომ საქ. კომკავშირის მე-9 ყრილობამ აღნიშნა კომკავშირის მონაწილეობის აუცილებლობა სხვადასხვა ნებაყოფლობითი ორგანიზაციებში, დღემდის ეს საკითხი მოუგვარებელი დარჩა. ამას ამტკიცებს ის გარემოება, რომ მაზრაში 300 კომკავშირელიდან მხოლოდ 230 კაცი ირიცხება რემედაციის ორგანიზაციაში.

საჭიროა ეს არანორმალური მოვლენა გამოსწორებული იქნას. ჩვენ მოუწოდებთ ახალგაზრდობას რემედაციის ორგანიზაციებისაკენ. ახალგაზრდობა ენერგიულად უნდა ჩაებას რემედაციის ყოველდღიურ მუშაობაში, რათა ამრიგად ხელი შეუწყონ ჩვენი ორგანიზაციის იდეების პოპულარიზაციას და მშრომელთა მასების ინტერნაციონალურად აღზრდას.

და-ხუ.

ოფიციალური განყოფილება

რემედაციის საქ. ც. კ. პრეზიდიუმში.

1. რემედაციის საქ. ც. კ. პრეზიდიუმის დადგენილებით, რემედაციის ორგანიზაციებში უფრედთა ბიუროების და სარევიზიო კომისიების გადარჩევის დაწყებულ უნდა იქნეს 1929 წ. თებერვლის პირველიდან და უნდა დამთავრდეს პირველ აპრილამდე, კომიტეტების საოლქო და სამაზრო კონფერენციებით.

2. ა) რემედაციის საზამთრო კამპანია — კვირეული უნდა ჩატარდეს მთელს საქართველოში მიმდ. წლის ნოემბერში.

ბ) რემედაციის ს. ც. კ. სამდივნოს მიერ წარმოდგენილი, კვირე-

ულის ჩასატარებელი გეგმა დამტკიცებულია პრეზ. მიერ.

გ) რემედაციის ს. ც. კ. პრეზ. შუამდგომლობა აღძრა სრულიად საქ. ცენტრ. აღმ. კომიტეტის წინაშე, რათა უკანასკნელმა ნება დართოს რემედაციის ორგანიზაციებს ყულაბებით ფულის შესაგროვებლად.

ზ. რემედაციის ს. ც. კ. მე-2-ე პლენუმის მოწვევის დღით დაინიშნულია მიმდინარე წლის ნოემბრის 10.

სადირექტივო წერილი

8 სექტემბერი 1928 წ.

რემედაციის საქართველოს ყველა ორგანიზაციებს.

რემედაციის საქართველოს ცენტრალურ კომიტეტის პრეზიდიუმის დადგენილებით მიმდინარე წლის ნოემბრის 10 მოწვეული იქნება რემედაციის საქართველოს ც. კ. მეორე პლენუმი.

მრავალ ობიექტიურ მიზეზების გამო, რომლებიც ხელს უშლიდნენ რემედაციის ცენტრალურ კომიტეტის მეორე პლენუმის მოწვევას გავიდა შესამჩნევად დიდი დრო პირველსა და მეორე პლენუმ შუა. აღნიშნულ პლენუმს უდიდესი მნიშვნელობა აქვს რემედაციის მუშაობის გასაძლიერებლად მშრომელთა ფართე მასებში.

ცენტრალური კომიტეტის პირველი პლენუმის შემდეგ რემედაციის საქართველოს ორგანიზაციებს აქვთ მთელი რიგი მიღწევები, მაგრამ ამავე დროს მუშაობაში შემჩნეულია ნაკლიც. მეორე პლენუმმა ჯამი უნდა გაუკეთოს რემედაციის ორგანიზაციების საზაფხულო მუშაობას. ორგანიზაციები ვალდებული არიან შეაჯამონ თავიანთი მოღვაწეობის შედეგები და დაისახონ საპერსპექტივო გეგმა პრაქტიკულ ღონისძიებათა ცხოვრებაში გასატარებლად.

პლენუმის დღის წესრიგში დასმულია შემდეგი საკითხები:

1) რემედაციის საქ. ც. კ. პრეზიდიუმის ანგარიში.

2) სარევიზიო კომისიის მოხსენება.

3) მოხსენება რემედაციის აფხაზეთის, ოზურგეთის, სენაკის, კახეთისა და ქუთაისის ორგანიზაციების მუშაობის შეახებ.

4) რემედაციის საქართველოს ორგანიზაციების ფინანსური მდგომარეობა.

ყველა საკითხებს, რომლებიც წამოყენებულია დღის წესრიგში აქვთ უდიდესი მნიშვნელობა რემედაციის ორგანიზაციების მუშაობაში. ამიტომ რემედაციის ადგილობრივი ორგანიზაციების ამოცანა მდგომარეობს იმაში, რომ მოემზადონ მომავალ პლენუმისათვის, ჯამი გაუკეთონ ადგილებზე რემედაციის მიერ ჩატარებულ მუშაობას, როგორც ორგანიზაციულ-ფინანსური, ისე აღმზრდელობითი მხრივ და თავიანთი მოსაზრებანი წარმოადგინონ ც. კ. მეორე პლენუმის წინაშე.


რემედაციის საქართველოს ცენტრალური კომიტეტი წინადადებას აძლევს ადგილობრივი კომიტეტებს ამთავითვე შეუდგენ სათანადო მუშაობას.

რემედაციის საქ. ც. კ. პრეზიდიუმში.

პ/მგ. რედაქტორი: თენგიზ ულანტი.

სარ. კოლეგია:

1. ალ. ჭოიკაძე.
2. მიხ. ცაჭიშვილი.
3. პოლიო აბრამია.



თბილისი — სსსრ. პოლიგრაფტრესტ, 1-ლი სტ. პლგ. პრ. № 91, მთავლ. № 1859. შეკვ. № 1650. ტირაჟი 5000.

რემედასის საქ. ცენტ. კომიტეტის გამომცემლობა

თბილისი ლენინის ქ. № 29, ტელეფონი 9-78.

მიიღება
ხელის
მომწერა

რემედას-ზე

1928 წ. განმავლობაში გა-
მოცემული იქნება
12 ნომერი

ჟურნალ რემედასის საქ. ცენტ. და სფ. კომ. უწყველთ. „რემედას“-ი მასიური ორგანოა

(გამოცემის წელი მეხუთე)

ჟურნალ „რემედას“ უშთავრეს ყურადღებას აქცევს კაპიტალისტურ ქვეყნების ციხეებში მოქცეულ პო-
ლიტ-პარტიზმარების ყოფა-ცხოვრებას თეთრი ტერორისა და კლასიური იუსტიციის აღვირახ-
სნილობას, მშრომელთა ფართე მასების ინტერნაციონალურად აღზრდას, როგორც
საბჭოთა კავშირის ისე უცხოეთის სექციებისა და ძმური ორგანიზა-
ციების მოღვაწეობას, ჟურნალში აგრეთვე საკმაო ად-
გილი ეთმობა მხატვრობასა და ლიტერატურას.

ხელის მოწერის პირობები:

ერთი წლით — 2 მან. 20 კ. სამი თვით — 60 კ.

მეხვსი თვით — 1 მან. 15 კ. ცალკე ნომერი — 20 კ.

ყოველი შეგნებული მუშა, კლესი, კომკავშირელი, მშრომელი ქალი და საბჭოთა
მოქალაქე უნდა გახდეს ჟურნალ „რემედას“-ის ხელის მომწერი.

ჟურნალ „რემედას“-ის ხელის მოწერის ჩატარება ერთ-ერთი პრაქტიკული ამო-
ცანაა რემედასის ორგანიზაციებისა და უჯრედებისათვის.

ყოველი თვის დასაწყისში გამოჩვეული უნდა იქნეს რამდენი ხელის მომწერი
ეაფს ჩვენს ჟურნალს რემედასის ამა, თუ იმ უჯრედში, ან ორგანიზაციაში. აც-
ნობეთ რემედასის საქართველოს ცენტრალურ კომიტეტის გამომცემლობას, რო-
გორ ვრცელდება ჟურნალ რემედასი.



შინაარსი: 1. რემედისის კვირეული. 2. გამოვაცოცხლოთ აღმზრდელობითი მუშაობა — მ. ცქვიტინიძე. 3. „წითელი დახმარება“ გერმანიაში — ფ. გეკერტი. 4. „26“-ს დახვრეტის 10 წლისთავი — ა. გევორჯოვი. 5. მისი ამხანაგის ნაამბობი — მირკო. 6. ამხ. ლანცუცკის მეორედ დაპატიმრება და განთავისუფლება. 7. საჭიროა ანტიფაშისტური კონგრესის მოწვევა — ჰანრი ბარბიუსი. 8. სტეფანე რადიჩი და ხორვატიის ეროვნულ-გლეხური მოძრაობა — დრაგაჩევაძე. 9. ამხ. ბელა კუნი. 10. საკო და ვანცეტი. 11. რღვევის მოლოდინში (ლექსი) — პოლიო აბრამია. 12. ბრძოლის სურათები (მოთხრობა) — სტეფანე კასრაძე. 13. სიმშვილბა 40 დღის განმავლობაში. 14. დაკითხვის მეთოდები. 15. მისაბადი რაიკომი — ა. კ — ი 16. როგორ ტარდება ადგილებზე რემედისის მე-2-ე ყრილობის დადგენილებები — და — ხუ. 17. ოფიციალური განყოფილება.